

ლანჩხუთის  
მუნიციპალიტეტის  
საკრებულოს მიერ  
გაწეული მუშაობის  
თაობაზე საკრებულოს  
თავმჯდომარის,  
ბესიკ ტაბიძის  
წლიური ანგარიში



საკრებულოს თავმჯდომარის ფუნქცია-მოვალეობის შესრულება მეორე ვადით მიწევს, რაც დიდ პატივთან ერთად, უდიდესი პასუხისმგებლობაა ჩემთვის. საანგარიშო პერიოდში მქონდა არაერთი შეხვედრა, როგორც ადგილობრივ, ისე სამთავრობო დონეზე. ვცდილობ, რომ ის სიკეთეები, რომელიც შეიძლება მიიღოს მუნიციპალიტეტმა, მაქსიმალურად იქნას მოძიებული და ასახული ჩვენს რეალობაში - ამის ნათელი დადასტურებაა მშენებარე სკოლები, ბაღები თუ გზები.



საკრებულოში, მისი მუშაობის ორგანიზების მიზნით შექმნილია საკრებულოს ბიურო, რომელიც შედგება 12 წევრისგან.



საანგარიშო პერიოდში გაიმართა:

- ▶ > საკრებულოს - 13 (მათ შორის 3 რიგგარეშე), ხოლო ბიუროს - 11 სხდომა;
- ▶ > იურიდიულ საკითხთა და ეთიკის კომისიის - 9 სხდომა;
- ▶ > საფინანსო-საბიუჯეტო კომისიის - 8 სხდომა;
- ▶ > ეკონომიკის, ქონების მართვისა და ბუნებრივი რესურსების საკითხთა კომისიის - 14 სხდომა;
- ▶ > სივრცით-ტერიტორიული დაგეგმარებისა და ინფრასტრუქტურის კომისიის - 10 სხდომა;
- ▶ > სოციალურ საკითხთა, განათლების, კულტურისა და ახალგაზრდულ საქმეთა კომისიის - 10 სხდომა.

ასევე:

- ▶ ფრაქცია - „ქართული ოცნება - დემოკრატიული საქართველოს“ - 13 სხდომა;
- ▶ ფრაქცია „ერთიანი ნაციონალური მოძრაობის“ - 6 სხდომა;
- ▶ ფრაქცია „ლანჩხუთი - საქართველოსთვის“ - 6 სხდომა.





- ▶ საანგარიშო პერიოდში მიმდინარეობდა სტიქიის სალიკვიდაციო სამუშაოები და გრძელდება დღესაც (სტიქია, რომელიც ჩვენს მუნიციპალიტეტს 2023 წლის 8 სექტემბერს დაატყდა. ასეულობით ოჯახი დაიმეწყრა და მათ საცხოვრებელ სახლებს შეექმნა საფრთხე. სამწუხაროდ იყო მსხვერპლი).
- ▶ ჩვენი ხელისუფლების მყისიერი მოქმედების შედეგად, დროულად მოხდა ადამიანების გამოყვანა სტიქიის ზონიდან და უსაფრთხო ადგილზე დაბინავება.
- ▶ ცენტრალური ხელისუფლების აქტიური მხარდაჭერით და დახმარებით – არც ერთი ოჯახი არ დარჩენილა და არ დარჩება უყურადღებოდ.
- ▶ ყველა ოჯახს, სადაც ცხოვრება შეუძლებელი იყო და მას არ გააჩნდა ალტერნატიული საცხოვრებელი ფართი – გაეწია ფულადი დახმარება 50 ათასი ლარის ოდენობით, ხოლო ვისაც სხვა ალტერნატიული ფართი ჰქონდა – 30 ათასი ლარი.
- ▶ დაწყებულია სტიქიური მოვლენების შედეგად დაზიანებული გზების, ხიდების, სანიაღვრე არხების და ნაპირსამაგრების მოწყობა-რეაბილიტაციის სამუშაოები. პროექტი გარდამავალია და ჯამში 24 მილიონი ლარი დაიხარჯება.



- > როგორც გასულ წლებში, საანგარიშო პერიოდში საკრებულოს იურიდიულ საკითხთა და ეთიკის კომისია აქტიურად მუშაობდა.
- > კომისიის თავმჯდომარის, გიორგი ხელაძის ინიციატივით, კომისიის წევრები სუფსის თემის სოფელ გრიგოლეთის მაცხოვრებლებს შეხვდა. შეხვედრაზე, რომელსაც მუნიციპალიტეტის საკრებულოს წევრები და ადგილობრივი მოსახლეობა ესწრებოდა სოფელ გრიგოლეთში მე-2 და მე-6 ქუჩებისთვის ნოდარ დუმბაძის სახელის მინიჭების შესახებ ისაუბრეს.
- > კომისიამ ასევე გასვლითი შეხვედრა გამართა, მოქალაქეთა მომართვის საფუძველზე, რომელიც ქალაქის ადმინისტრაციულ ერთეულში არსებული ქუჩისთვის წმინდა ბარბარეს სახელის მინიჭებას ეხებოდა. საკითხი დადებითად გადაწყდა.





საფინანსო-საბიუჯეტო სფერო:

- ▶ ლანჩხუთის მუნიციპალიტეტის საკრებულოს 2023 წლის 22 დეკემბრის N22 დადგენილებით მუნიციპალიტეტის 2024 წლის ბიუჯეტის შემოსულობების ნაწილში განისაზღვრა 20392300 ლარი. აქედან საკუთარი შემოსავლები 19808700 ლარი, სახელმწიფო ბიუჯეტიდან მიღებული გრანტები 583600 ლარი, გადასახდელები განისაზღვრა 22483900 ლარი, აქედან ხარჯები 18115300 ლარი, არაფინანსური აქტივების ზრდა 4310500 ლარი.
- ▶ მიმდინარე წლის 1-ელი ნოემბრის მდგომარეობით ბიუჯეტში შევიდა ცვლილება 3-ჯერ და განისაზღვრა შემოსულობების ნაწილში 31364700 ლარი.
- ▶ რაც შეეხება მომავალი 2025 წლის ბიუჯეტს, პირველი ვარიანტი საკრებულოში 14 ნოემბერს შემოვიდა და კანონით განსაზღვრულ ვადებში მოხდება მისი დამტკიცება.



ეკონომიკის, ქონებისა მართვისა და ბუნებრივი რესურსების საკითხთა კომისიის მიერ შესწავლილი და განხილული იქნა „ლანჩუთის მუნიციპალიტეტის საკუთრებაში არსებული ქონების, სახელმწიფო საკუთრებაში გადაცემის მიზნით, განკარგვაზე მერისათვის თანხმობის მიცემის შესახებ“ ლანჩუთის მუნიციპალიტეტის საკრებულოს განკარგულების პროექტები.

კომისიის მიერ რეკომენდაცია მიეცა მერიის შესაბამის სამსახურებს, რათა მიემართათ ეკონომიკისა და მდგრადი განვითარების სამინისტროსთვის, რომ ლანჩუთის მუნიციპალიტეტის საზღვრებში არსებული უსახური ქონებები, რომლებიც აუშნოებს და ამახინჯებს ლანჩუთის მუნიციპალიტეტის იერსახეს, ასევე, საფრთხის შემცველია მოსახლეობისთვის და იმყოფება შესაბამისი სამინისტროს ბალანსზე, საბოლოოდ მომხდარიყო მათი პრივატიზება ან გადმოცემა მუნიციპალიტეტისთვის.

ეს და სხვა გადაწყვეტილებები კომისიის მიერ ასახულია ოქმებში და გამოქვეყნებულია კანონით დადგენილი წესის შესაბამისად.





სოციალურ საკითხთა, განათლების კულტურისა და ახალგაზრდულ საქმეთა კომისიის მიერ განხილულ იქნა „ლანჩხუთის მუნიციპალიტეტის 2024 წლის ბიუჯეტიდან სოციალური დახმარების გაცემისა და მიღების წესის დამტკიცების შესახებ“ 23 პროგრამა.

აქვე აღვნიშნავ, რომ მუნიციპალიტეტის ბიუჯეტიდან მიმდინარე წელს 23 სოციალური პროგრამა ფინანსდება 968 800 ლარით.



სოციალური კუთხით მნიშვნელოვანია, წელს ჩვენი მუნიციპალიტეტისთვის შეძენილი იქნა 5 ახალი, რომელიც მგზავრთა უსაფრთხო გადაყვანას ემსახურება. თანამედროვე სტანდარტების შესაბამისი საზოგადოებრივი ტრანსპორტი 21 მგზავრზეა გათვლილი და ადაპტირებულია შეზღუდული შესაძლებლობის მქონე პირებზე.





წელს სსიპ „დევნილთა, ეკომიგრანტთა და საარსებო უზრუნველყოფის სააგენტოს“ მიერ „უსახლკარო, მძიმე საცხოვრებელ პირობებში მყოფი მრავალშვილიანი ოჯახების დაკმაყოფილების შესახებ“ ბრძანების შესაბამისად, ლანჩხუთის მუნიციპალიტეტში 9 ოჯახი საცხოვრებელი ფართით დაკმაყოფილდა.





საკრებულოს სივრცით-ტერიტორიული დაგეგმარების და ინფრასტრუქტურის კომისია და მისი წევრები საანგარიშო პერიოდში მონაწილეობდნენ პროექტების შერჩევასა და განხორციელებაში. განსაკუთრებით უნდა აღვნიშნო მაჟორიტარი დეპუტატების აქტიური მონაწილეობა ამ მხრივ.



რეგიონული განვითარების ფონდის მიერ ჯამში 7 836 573 ლარი იხარჯება, რაც ბოლო წლებში ყველაზე დიდი თანხაა და გასულ წლის მაჩვენებელს საკმაოდ აღემატება.

აშენდა ახალი ბალები აკეთის, ნიგვზიანის, ჩოჩხათის, ნინოშვილის და ღრმაღელის ადმინისტრაციულ ერთეულებში.

განხორციელდა ქალაქის #1, ხაჯალიის, ღრმაღელის საჯარო სკოლების სრული რეაბილიტაცია.

